



## معلومات بلده فامیلا



بلده کسب مالومات زیادتر، لطف  
کیده امیروز قد مو به تماس شید!

Lisa MacKinven

مدیر برنامه، عینک بلدی اطفال

ایمیل: [glassesforkids@ssr.net.au](mailto:glassesforkids@ssr.net.au)

برنامه کمک به مکتبای ایالتی

PO BOX 4525

Dandenong South VIC 3164



برنامه کمک مکتبای (SSR) ایالتی  
افتخار مونه که اعلان کنه حکومت ایالتی  
ویکتوریا یکدغه دیگه قد SSR همکار شده تا  
برنامه عینک بلده اطفال (GFK) ره د بین سالای  
2024 و 2027 ارائه کنه. GFK هدف دیره که اختلال  
بینایی ره به حیث یک مانع احتمالی از سر راه مشارکت  
درسی حذف کنه تا یقین خوره ثابت کنن که شاگردای  
مستحق به صورت کامل د اشتراک درسی خو از سالای اول  
زندگی خو مورد حمایت قرار بیگرن. GFK هدف دیره که از  
770 دنه مکتب ابتدائیه و تخصصی بازدید کنه و د دوران ازی  
برنامه به تعداد 108,000 شاگردای صنف آمادگی - تا صنف  
3 ره معاینه ابتدائی بینایی کنه. د صورت نیاز، تست کیدون  
کامل چیم و عینک هم بلده شاگردایی که شرکت کیده بدون  
کدم هزینه د نظر گرفته موشه.

کد QR را اسکن کیده و ویدیوی  
برنامه عینک بلده اطفال ره د  
اینجی توغ کید



# 4 مرحله ساده تا که بی تنید د برنامه عینک بلده اطفال شرکت کنید...

1 مالومات ره د ورقه مالوماتی  
فامیلی بخوانید



2 فرمه رضایت و سوالنامه بینایی  
شناس ره تکمیل کید



3 هر دو فرمه ره پس به مکتب  
بی دید



4 یقین خوره ثابت کید که د روز بازدید  
طفل شیم د مکتب حاضر باشه



## آیا اطفالی که از قبل عینک موپشن می تنن د GFK شرکت کنن؟

- اری، می تنن. اگه عینکای شی کمتر از 12 ماه کونه باشه، لطف کیده یک کپی از تازه ترین نسخه عینک شی ره اگه دیشته شید فراهم کید
- اگه طفل شیم از گاه زیر مراقبت یک بینایی شناس دیگه استه، لطف کیده مالومات مربوطه ره د سوالنامه بینایی شناس درج کید.

## آیا مه باید بلده هر طفل خو فرمه جداگانه ری کنوم؟

- اری، هر شاگرد باید یک فرمه رضایت امضاء شده و سوالنامه بینایی شناس دیشته شن.

## آیا مه باید جزئیات کارت مدیکر ره بی دیم؟

- اری، هر رقم تستایی که د روز بازدید د کار شونه شاید توسط مدیکر پرداخت شونه.
- اما، اگه طفل شیم یک کارت مدیکر ندشته باشه، هنوز می تینه د ای برنامه شرکت کنه.

## اگه عینکا میده شونه چیز کار موشه؟

- GFK یکدغه (1) عینک ره بدل مونه، به شرطیکه اولنه عینک زیادتر از 12 ماه کونه نباشه.
- اگه عینکای دومی میده یا گم شد، فامیل و/یا مکتب می تینه عینکای اضافی ره از SSR خریداری کنن.

## طریقه کار برنامه عینک بلده اطفال چی رقم استه؟

- GFK قد بینایی شناسای باتجربه همکار شده که از مکتب بازدید مونه و معاینه ابتدائی بینایی ره بلده طفل شیم انجام میدیه و د صورت نیاز، تستای بیشتر و عینک ره بدون قدم هزینه فراهم مونه.
- تمام جلسای معاینه و تست کیدو د دوران ساعتای درسی مکتب تکمیل موشه.

## چی رقم طفل مه می تینه د ای برنامه شرکت کنه؟

- لطف کیده فرمه رضایت و سوالنامه بینایی شناس ره تا تاریخ مقررشده به مکتب ری کید.

## نتیجه معاینه طفل خوره چی رقم بیگروم؟

- د باره نتیجه معاینه بینایی طفل شیم یک نامه دده موشه که قد خو د خانه بیره.

## اگه طفل مه دعینک نیاز دیشته شه چه؟

- اگه بینایی شناس بلده طفل شیم عینک تجویز کنه، GFK اوره مفت بلده شیم فراهم مونه.
- طفل شیم چانس خواد دشت که عینک خوره انتخاب کیده و امومروز د چیم شی اندازه گیری کنه.
- یک نامه بلده طفل شیم دده موشه که دلیل تجویز کیدون عینک درشی نوشته استه.

## چی کسانی می تینن شرکت کنه؟

- مکتبای ابتدائیه: شاگردای صنف آمادگی تا صنف 3.
- مکتبای تخصصی: شاگردا به سن 5 تا 10 ساله.

